

STUDENT EDUCATION NUMBER



MALO O SAMOA
MATAGALUEGA O AOGA, TAALOGA MA AGANUU

Suega Aoao Tausaga 12 a Samoa

GAGANA SAMOA 2017

PEPA FESILI ma TALI

Taimi Faatulagaina: 3 itula & 10 minute

FAATONUGA

1. E 10 minute e faitau ai ae lei amata ona tusi au tali.
2. Tusi manino lau **Numera Aoga** i le pito i luga o le itu taumatau o le itulau lenei.
3. Tusi tali i avanoa ua saunia i totonu o lenei Pepa Fesili ma Tali.
4. Afai e manaomia nisi pepa mo au tali, fesili i le Faisuega mo nisi pepa faaopoopo. Faapipii pepa faaopoopo i itulau talafeagai o le pepa suega.

ALAFUA MO MATAUPU AOAONA		Itulau	Taimi (min)	Togi
ALAFUA 1:	GAGANA – FAITAUGĀLAULU 1		20	10
ALAFUA 2:	A'OINA 'O LE GAGANA – FAITAUGĀLAULU 2		36	20
ALAFUA 3:	FA'AMAUMAUGA MA FETUFAĀIGA-GAGANA FA'AMAUINA MA TALATU'U		50	28
ALAFUA 4:	FESO'OTAIGA I ALAFAASALALAU		43	24
ALAFUA 5:	AGANU'U MA AGAIFANUA		8	4
ALAFUA 5:	FAAFIAFIAGA MA TAALOGA		23	14
AOFA'IGA			180	100

SIAKI lau pepa poo atoa uma itulau mai le 2-20.
TAUAAO LAU PEPA FESILI MA TALI I LE FAISUEGA PE A MAEA LE SUEGA.

1 – A: ILOILOGA O LE GAGANA O TUSITUSIGA

Fa’atonuga: O fesili uma o le vāega lenei olo’o agai tonu i vāega ‘ese’ese o legagana. Tali uma nūmera o le vāega lenei i avanoa ua saunia.

Afio maia lau Afioga a le Ali’i Faigatā,
 Ua ufitia le lanulau’ava i ou sāsā.
 O lou afio mai ua tō ai le fale o tautai,
 Ua e fa’afelaga’i si ‘āiga o taumafa le suāvai.

5 Ma e fa’asēsela fafine ma teine i asugāvai,
 O le a le leo ua e fa’alogo atu i ai?
 O le leo o le tagi **auē** ma i latou olo’o fe’atai.
 “Isa, nei tamaiti matuā tata’a tele,
 Ua susū uma tālā ma sene, o falaoa, masi,
 10 pai ma panikeke.”

(Tusia e: Fiso Evelini Fa’amoe)

1.1 O le ā le vāega o le gagana olo’o iai le ‘upu olo’o vase lalo?

Tomai Ausia 1

--

1.2 Fa’auma mai e oe le fuai’upu lenei i au lava ‘upu, ia maua tonu lona uiga olo’o ta’ua i le ‘autū?

O lou afio mai _____

Tomai Ausia 2

--

1.3 Laina 1&2, “**Afio maia lau Afioga a le ali’i Faigatā. Ua ufitia le lanulau’ava i ou sāsā.**”

O le ā olo’o fa’atatau i ai le **Ali’i Faigatā** olo’o i le laina muamua (1) ma le **sāsā** olo’o i le laina e lua (2)? Fa’amatala le feso’ota’iga a laina nei e lua e pei ona fa’aaogāina ai i le ‘autū?

Tomai Ausia 3

--

2 – A: ILOILOGA O LE GAGANA O TUSITUSIGA

Fa’atonuga: Faitau manino le tusitusiga olo’o i lalo ona tali lea o fesili olo’o mulimuli mai. Fa’aaogā avanoa ua saunia e tusi ai lau tali.

1. Ua ou nofo tatā a’e mai lo’u moega a ua tafa āta o le taeao. O lo’u ala fa’afuase’i, na mafua i le **lē** lelei o sa’u moe talu lenei tama’ita’i ua lē alu ese ma o’u foliga ua segia ai lota vaivai ma segaia ai ota mata. Ua leoleoā fo’i fa’ailo o le aso fou ma alafa’i mai i o latou ofaga na momoe afusia ai i le pogisā. Na ou autilo i le itū i sisifo ma ou iloa atu ai le masina ua fa’asagaoge lona pupula pei olo’o fa’atōfā mai; “Ala ia oe ae o le a ou moe.”
2. Na ou fa’alogoina le pa’ō o le fa’ase’e ma fa’asolo atu ai i le tūnoa. Oi, o si tamāloa le la ua tapena ana meafaigaluega, ‘ai fo’i a usu i le pu’emamao. O le toeaina, ua nofo a’e ma lagi le pese fa’afetai ae taualuga i le tatalo, ona ia susu’e lea o le ta’inamu a’o lo’o momoe pea si olomatua ma si ana fanau teine o Sisilionu’u ma Lagimāina. Ua tu a’e i luga **ma** se’i lana a’upega sa sulu i ona tōfaga ma la’a loa i tuāmaota.
3. Ua tapuni mai le faitoto’a e le toeaina ona vala’au mai lea iā te a’u; “Sole, a logo mai meafai a kaulele’a oga e alu lea iai leaga o lai Apia ia Lia ma Moko.” Ua savali ese atu le toeaina ma lana vala’au ua mou, ae ua ou nofo ma taufa’avasega lona mana’o a’o le’i alu. Masalo po’o le mea e mana’o ou **te** alu e ave ni mea i ‘o i taulele’a, pe ou te alu fo’i ou te matamata i mea olo’o fai a le saofa’iga.
4. E le’i leva ona lilo atu le toeaina ae laga’i le faleo’o a le uso o lo’u tinā ma lona fo’i to’alua ma la lā fanau. Ua mane’e a’e le tamāloa ma taufagu lana fanau tama, ma fa’amatāfaii le tagata i lana e āsu ma fatu.
5. Ua ou tu a’e ma gaugau lo’u ie’afu ma teu o’u aluga. Ua tā’ai fo’i lo’u falamoe ma sili i le talitali olo’o i le pepe. Na sāūa i la’u fa’alogo le leo o le foafoa ua ili ma toe ili. O i’uleo o tau’alaga na ‘ou mautinoa ai o le mata faitasi a taulele’a le la ua sauni auā se vai’aiga mo mālō a le nu’u e tō’ai mai fa’aitūlā.
6. “Tafēfē, o a’u ou te lē iloa ‘a’au. Ou te lē iloa fo’i fāgota ona e ‘ese lo’u vala’auina. Ua ‘ou mafaufau ane, a ou alu fo’i i le faigasuāvai a le aumaga, e maua ai a’u auā e augapiu ma so’u iloa ofu se lu’au pe fa’amamā se pua’a.”
7. O o’u manatu ia na fuatiaina ai a’u ma o’u lagona ai le salamō ona o lo’u **alovao** i meafai a le saofa’iga ma le nu’u, aemaise lo’u aiga. Ma’umau e, pe ana ou lē iloa fai se feau ae ‘ou tau panupanu i le folafolaga o fa’aaloaloga, semanū ou te alu i le mea olo’o fai. Talofa e, iā te a’u, ua lē ese ma le la’au e tu ae oia auā e lagona lo’u fiaalu ae ou te popole. O le mea sili ona leaga, o le fa’amanupō’ia i o’faga o a’u i se mea e tu’u mai ou te faia ae pagā, o taga lava a tautai e fai i vasa ona avea ai lea o ita ma lulu e lele ae valoia e iao.
8. E! Ua moni iā te a’u le lagona; “E lē aogā le mamalu ae leai se tautua”.

Tūsia e: Alofipō Siligāmanaia Horisona Lofipō

2.1 Ta'u mai le **vāega tonu o le Gagana** olo'o iai le 'upu olo'o vase lalo i le palakalafa 1.

Tomai Ausia 1

2.2 Tusi mai le **vāega tonu o le Gagana** e iai le 'upu olo'o vase lalo i le palakalafa 2.

Tomai Ausia 1

2.3 O le ā tonu na fa'alavelave i le moe a le tusitala?

Tomai Ausia 2

2.4 Fa'amatala mai le **uiga faigofie** o le 'upu **'alovao** olo'o i le tala.

Tomai Ausia 2

2.5 O le ā tonu le **vāega o le Gagana** e iai le 'upu olo'o vase lalo i le palakalafa 3.

Tomai Ausia 1

2.6 Fa'ailoa manino mai po'o ā **fa'ailo o le aso fou** olo'o tā'ua i le tala.

Tomai Ausia 1

2.7 Palakalafa 7: **"fa'amanupo'ia i ōfaqa."**

Fa'amatala mai le **uiga faigofie** o le fuaitau leni olo'o i luga, ma fa'aaogā mai lea fuaitau i sau fuai'upu e fa'alautele ai lona uiga na e tusia.

Tomai Ausia 3

2.10 Fa'amatala au'ilili mai le **aotelega o lagona** o le tala, ma fa'ailoa mai se **a'oa'oga tāua** e fai ma lu'itau i tupulaga talavou aemaise so'o se Samoa i nei aso.

Tomai Ausia 3

2.11 Tusi mai ni **tautua fa'a'aumaga** se lua (2) olo'o atagia i le 'autū, ma aumai ni o lāua fa'amaoniga mai le tala.

Tomai Ausia 4

3 – A: GAGANA FA'AMAUINA

- Filifili se **Tala Pu'upu'u** (Tala Pupu'u) **po'o** se **Tala Moni po'o** se **Tala Fatu** na e su'esu'eina e tali mai ai le vaega lenei.
- Fa'aaoga na'o tala olo'o fa'amauina i le Fa'asinoala.
- A tusi lau tali, ia aofia ma manino vāega nei;
 - **Ituaiga Tala**
 - **Igoa o le Tala**
 - **Igoa o le Tusitala po'o lē na Fa'aliliuina**
 - **Igoa o le Tusi**
 - **Manatu 'Autū o le Tali**
 - **Mālamalamaga i le Tala**

FESILI MUAMUA:**(10 Togi)**

Fa'ailoa mai se **mea tāua na tupu i le va o ni tagata se to'alua** na fesoasoani tele i le momoliina mai o le **'auga o le tala** ma fa'amatala au'ili'ili po'o le ā se **sao tāua o lea mea na tupu** e fai ma **lu'itau i tupulaga i nei aso.**

TALI:

3.1 Itu'aiga Tala: _____

3.2 Igoa o le Tala: _____

3.3 Igoa o le Tusitala po'o lē na Fa'aliliuina: _____

3.4 Igoa o le Tusi: _____

Mō le Togipepa

Tomai 'Ausia	1	1	1	1	3	3
Tali Fesili						

FESILI LUA:

(10 togi)

Fa'amatala auilili mai se **Nofoaga po'o ni Nofoaga** na **tupu ai le Tala** ma fa'amanino mai ni **so'otaga o lea Nofoaga po'o ia Nofoaga aga'i i le Tagata 'Autū** na mafua ai ona maua le **A'oa'oga o le Tala**.

TALI:

3.7 Igoa o le Tala: _____

3.8 Igoa o le Tusitala po'o lē na Fa'aliliuina: _____

3.9 Igoa o le Tusi: _____

Mō le Togipepa

Tomai 'Ausia	1	1	1	3	4
Tali Fesili					

3 – E: **TALATU’U**

(8 Togi)

Fa’atonuga: Fa’aaogā le Talatu’u iā Nafanua e tali ai fesili olo’o mulimuli mai.

3.12 Lisi mai ni **Alagā’upu se lua** (2) e maua mai le Talatu’u iā Nafanua.

Tomai Ausia 2

3.13 Tusi mai **Igoa o Nu’u** olo’o iai Pinefa’amau po’o Fa’amaoniga nei i le **Talatu’u iā Nafanua**.

- (i) Malae o le Ma_____
- (ii) Maota i Fili ma Puletu’u _____

Tomai Ausia 2

3.14 Fa’amatala manino i se Palakalafa ‘anoa se **sao tāua** o lea **Tagata Ta’uta’ua** i le **Aganu’u** ma le Gagana Samoa.

Tomai Ausia 4

Fa'atonuga: Fa'aaogā le Fa'asalalauga ua tusia e tali ai fesili 4.1 – 4.7

FA'AFETAI PULEONO I SALĀFAI LE ALOFA

1. O le a taoto ia fa'agalua e lē fati ou paia lē gāe'e **Tumua** ma 'Āiga. Ae o le a molio'o ia se leo o le Kolisi i sā ma faigā o le motutele o Puleono i Salāfai; Tulou! Tulouna lava.
2. Le pa'ia o Puleono, i le afifio o Tapa'au ma 'Āiga e fia ma le mamalu i le usoga a Pule. Le susū o le Aufaigaluega pa'ia a le Atua ma le mamalu i Ekalesia i fata faitaulaga e fia. Afifio Al'i ma Faipule, Faletua ma Tausi, Sa'oao ma Tama'ita'i, fa'apea le **mālosi o afio'aga** se'ia o'o lava i alo ma fanau. Susuga i Puleā'oga, 'Āiga Faiā'oga ma Laumua 'ese'ese i Salāfai; aemaise fo'i 'āiga ma uo ma 'aumeamamae a lenei Laumua auā lana **fa'atagitimu** i lenei tausaga 2014.
3. Ua ou lē maugagana, ua oge fo'i 'upu auā ua fa'atumulia le loto i le fiafia ma le agaga o'otia i le alofa ona o lou titifaitama. O lea ua ūtumalie le vai a le tau'avaali'i auā ua pale i le loto le tali o mo'omo'oga nai le ala o le mativa. Ua malie ō lau pule, ua malie fo'i sua o le vai i āu tēūga auā ua ota inu malie e pei o le tala iā Matamatailetai. Ae o ai ea a'u le tagata ua e tali aloa'ia ai i ou malaesā ma tupua tausī fa'apea ou maota. O ai fo'i na manatu o le a e si'i lota fale i luga o le mauga talu lou valevale alofa. O au tēūga fa'atupu ma faiva fa'atamāli'i, ua fata luga, ua fata lalo. Ua 'a'au le se ma ua tā'ele le pepe auā ua apo le mausa o le ali'i i āu fa'aaloaloga. Mālō alofa, fa'afetai le agalelei.
4. Ona o matou fa'apea lea; Salāfai e, le Puleono fai mea mafai, se ua malie le pule i manā, ua malie le la'i o To'ivā. **Ua malie le papa nai Taga**, ua malie le vai o tausala, ua malie fo'i le silamiō e pei o le 'upu i le maota nai le Laulala. Ua malie lau manu na e fa'aōlo i le toa, ua malie lau i'a na e fa'ata'a i lou vailoa. Ua malie lau talo na e totō i lou paeloa. Ua malie fo'i le tolo na e fusia i le fusiloa. O atu o atoa ma atu o mitiloa, ua 'ou fo'i nei ma le mama ua lomi ma le va'a ua goto i oa ona o lau fa'aaloalo ua tōtō tetele. Fa'afetai, fa'afetai tele le alofa tula'i mo lenei Kolisi.
5. O la le upu; "E tupu mea aveva, ma e sili le manuia o le na te foa'i i lo le na te talia." Ma ia toe fa'atutumu e le Atua o manuia lou alofa ua fa'agaogaina ona o le Laumua nei.

Ma le agaga fa'afetai;

Tama'ita'i Pule; 'Āiga Faiā'oga ma le Kolisi o Savavau.

- 4.1 Ta'u mai le uiga tonu o le 'upu olo'o vase lalo i le palakalafa 1 "**fa'atagitimu**" e tusa ma le fa'aaogāga i le fa'asalalauga.

Tomai Ausia 1

4.2 Palakalafa 2: **“mālosi o afio’aga.”**

O ai tonu e fa’asino iai?

Tomai Ausia 1

--

4.3 Palakalafa 4: **“Ua malie le papa nai Taqa.”**

Ta’u mai le igoa o le papa olo’o ‘autū iai lea fa’a’upuga.

Tomai Ausia 1

--

4.4 O le ā le **‘auga** o le fa’asalalauga?

Tomai Ausia 1

--

4.5 Palakalafa 3: **‘O ai fo’i na manatu o le a si’i lota fale i luqa o le mauqa.’**

Toe tusi mai e oe le fa’aupuga lenei i lona **uiga faigofie** e fa’atatau i le lagona o le fa’asalalauga.

Tomai Ausia 2

4.6 Olo’o tā’ua tele i le Fa’asalalauga le fa’alupega o **Puleono i Salāfai** lea e fa’asino i le motu o Savai’i, ma e ono ona Pule e pei ona lausilafia ai e Samoa.

Ta’u mai se **Pule** se tasi ma sona **Malaefono**.

Tomai Ausia 2

4.7 Olo’o tā’ua i le palakalafa 1 le ‘upu **Tumua**.

Tusi mai **nu’u** e tolu e fa’asino tonu iai lea fa’alupega po’o lea ‘upu.

Tomai Ausia 3

- O fesili 4.8 – 4.13, ua fa’aatatau i Ala Fa’asalalau ‘ese’ese.

4.8 Ta’u mai le fe’au olo’o momoli mai e le ala fa’asalalau fa’aleaganu’u lenei; **“motu le pola i talāluma o le fale.”**

Tomai Ausia 1

4.9 A momoga figota o le gataifale o le ā se ala fa’asalalau fa’alenatura olo’o fa’ailoa mai i lea talitonuga?

Tomai Ausia 1

4.10 Ta’u mai se fe’au olo’o fa’ailoa mai e le ala fa’asalalau fa’aleaganu’u lenei, o le **“fa’aumu.”**

Tomai Ausia 1

4.11 Tusi mai ni **Ala Fa’asalalau Fa’alenatura se tolu** olo’o fa’asalalauina le fe’au lenei o se **“fa’ailoga o ni tulaga mamala.”**

Tomai Ausia 3

Fa’atonuga: Faitau manino fesili ona tusi lea o lau tali i avanoa ua saunia.

- 5.1** Fa’amatala le **ute** o le fa’atinoina o le aganu’u lea o le **paega po’o le usuvaivai**.

Tomai Ausia 1

- 5.2** Fa’avasega sa’o mai e oe le lisi olo’o i lalo o le **’ava o le feiloa’iga, mai le amataga se’ia o’o i le fa’aiuga**.

- (a) folafola’ava
(e) fa’asoa’ava
(i) sufi’ava

Tomai Ausia 3

6 – A: TA’ALOGA

(9 togi)

Fa’atonuga: Tali fesili o le vāega lenei (6 – A) i Ta’aloga Fa’asamoa. Fa’aaoga avanoa ua saunia e tusi ai lau tali.

- 6.1** O le ā le isi igoa o le ta’aloga o le **Taulafoga**?

Tomai Ausia 1

- 6.2** Fa’amatala mai le **uiga faigofie** o le fuaitau lenei e maua mai i le ta’aloga o le Tauti’aga; **“la lele malie lau ti’a.”**

Tomai Ausia 1

6.3 Ta'u mai se **fa'aupuga** e maua mai i le ta'alogā fa'asamoa leni o le **Tapalega**.

Tomai Ausia 1

6.4 Ta'u mai le ta'alogā fa'asamoa e iai le vaogagana leni "**sui le sema**."

Tomai Ausia 1

6.5 Tusi mai le **igoa o le tao lapo'a mamafa** lea e fa'aaogā i le ta'alogā o le **Tōloga**.

Tomai Ausia 1

6.6 Fa'amatala manino i se fuai'upu 'anoa le uiga moni o le fa'aupuga leni, ma aumai se fa'amaoniga o lou manatu.

"Ua nūmia ma le laufā"

Tomai Ausia 2

6.7 Lisi mai ni **igoa se lua** o ni tupe e fa'atino ai le **Taulafoga**.

Tomai Ausia 2

6 – E: FA’AFIAFIAGA

(5 Togi)

Fa’atonuga: O le vāega lenei (6 – E), e taliina mai i Fa’afiafiaga Fa’asamoa.
Tali fesili olo’o i lalo i avanoa ua saunia.

6.8 O le ā le uiga tonu o le fa’aupuga lenei pe a sa’asa’a se taupou i le Tauluga;

“E sa le aiuli ona siva ‘u’u”.

Tomai Ausia 1

6.9 O le ā le igoa o le ‘ula a le taupou pe’ā sa’asa’a?

Tomai Ausia 1

6.10 O le ā tonu le ‘ese’ese o le **fa’atafiti** ma le **taualuga** i fa’afiafiaga fa’asamoa moni?

Tomai Ausia 1

6.11 Fa’ailoa manino mai ni **fuitau se lua** e maua mai i fa’afiafiaga a le atunu’u.

Tomai Ausia 2
